

霽縣志

官署

國武七年建鎮西衛設左右中前後五所為五寨堡隸山西都司置指揮守備一員後增衛經歷倉使二員守備署在東大街即今把總署也經歷署在城東隅今改民居倉使署在城東南隅即今廣盈倉內明時察院署在十字街西今建學宮

國朝雍正三年設縣縣令僦民屋而居雍正七年己酉知縣張國正奉檄建署於城西官地經營治所

門立東西兩坊中寬周方五丈臨以大門門內東
西兩班房中甬道兩傍神祠進為儀門並立東西
角門進為大堂堂左右為庫堂下東西吏舍各三
東西皂快班房各一堂下向左入為五寨驛屯馬
所中為馬神廟堂後宅門門外左右司閤房各一
門內東西廂房各三上為二堂堂下由左入書齋
各二堂後內宅門門外由右入為廚房門內東西
廂房各三進上正中正房有五周以墻垣軒豁爽
塲邊塞縣治稱宏敞焉

惠義堂恭勒

御賜寄暢園詩

輕棹沿尋曲水灣
秦園寄暢暫偷閒
無多臺榭喬柯古
不盡煙霞落瀑潺
近族九人年六百
耆英高會勝香山
清風明月揮

宸藻昔日卷阿想像間

乾隆十六年春

臣

家寄暢園

聖蹕幸臨寵錫深
渥一介微臣令茲邊
邑不獲跪伏清塵

葵心向日益凜益虔
家兄弟敬錄

御賜詩并緞匹貂皮賞五出東門跪接於惠義堂恭設香

案九叩謝

恩畢取石親手磨治敬書以勒志微吏之光榮闔宗之

頂戴山西武府五寨縣知縣臣秦雄褒恭紀

五寨新署記

知縣張國正

五寨鎮西衛左所堡也雍正三年衛改為縣設官班制民心以一但官皆僑治而署猶未及建戊申春國正來令茲土僦民屋視事環堵卑庳不異編民已酉三月奉檄建署本城西北隅舊為官基詢於黃耆決

之筮龜僉云其吉乃斬艾荆榛取土石市磚瓦弗曠
日弗厲民居中表正而建者若干楹堂之左右書舍
厨廩相輔翼而建者又若干楹繚以周墻庀材鳩工
經營位置七越月而告竣是役也上官給正賦金九
百有奇余復俸之俸錢既落而為之記

居安堂銘并序

秦雄袞

惠義堂乃余理政之堂後堂則余憇息之所自卯迄
戌刻無離有民事前堂訊問無則退後堂治案牘更
有餘閒將前十年所注大易焚香潛玩有不合以筆

而更之門外擊柝遠臨大堂事畢如初有友自南來
羨余為樂余告以懼並志所以然之故友曰子所懼
者乃出入以度外內使知懼也懼以終始其要無咎
也如是以懼即所以樂天知命也因為余榜後堂曰
居安堂蓋取君子所居而安之義嗟乎余安能居易
之序哉夫易之序時中也堯舜之兢兢業業其傳授
之大旨曰允執其中則堯舜者中而已矣聖人之仕
止久速而曰君子時中其繫易曰與時偕行又曰六
爻相雜惟其時物也則聖人者時中而已矣所謂易

之序如此於易之序得其安土而居此君子何如人也今以淺學膚末雖日夕悚惕猶不能望見其藩籬而予為我侈張其語過矣然孟夫子曰聖人與我同類者又曰乃所願則學孔子也學者不能造其境可不存此志乎史遷曰詩有之高山仰止景行行止雖不能至然心竊向往之壁間有石無文乃鐫銘以自警其詞曰

嗟爾微員萬民是瞻淑慎爾止率作里閭六計弊治均按以廉善能敬正繼以法辨余寔庸愚宵旰自勉

悔吝之介察微以顯震動補過其咎卒鮮先聖微言
訓我履踐率辭揆方厥有常典大道昭然惟我由之
我寔不前誰能助之進德修業惟及其時閑邪存誠
寸晷自思一息自緼物欲潛滋慎持於獨毋俾爾墮
凡事惟心心放則忽我寔不知四境以疏慎厥存心
聖狂毫髮登斯堂者勿自恍惚櫟舍閔人類皆顛越
如履虎尾回首即啞若涉春冰失足即裂我何以哉
夙夜匪懈虔共爾職觀象玩辭觀變玩占永為法則
典史署在縣治西南四道街知縣張國正雍正六

年建大門內東西廂房各三進為堂堂後內宅
住房三楹東西廂房各三西有書房三楹大門
內堂之西監獄一所內有獄神廟廟東巡更房
入內門北監房三間西監房三間東廂房一間
女監房二間周以棘垣與尉署相為附麗

城守營把總署在縣治東即明時指揮舊署有大
門二門東西營吏舍進為堂右庫堂後二堂卧
室廂房廚房馬房俱脩三岔堡城守營把總署
在堡城內西街亦明時舊署堂房門戶一如五

寨之制

本縣廣盈倉一在城東南六道街周圍四十五丈
進門斗級宿舍中為倉院北廣字二廩三廩南
廣字五廩六廩七廩東廣字一廩西廣字四廩
官廳倚北倉神廟坐南建於明嘉靖萬歷間一
在城西南六道街周圍四十四丈制如東倉南
盈字一廩二廩乾隆八年知縣劉耀珪奉檄建
一在三岔堡內東北隅周圍四十四丈制如五寨
東西倉東北廣字東廩西廩建於明嘉靖時義

倉在城北頭道街乾隆十一年知縣余克長建
養濟院在城西北隅雍正四年知縣張國正建
鐘樓在城中大街之東鼓樓在城中大街之西萬

歷九年建

卷之四
四

...

...

學校

明設鎮西衛學訓導一人而衛初無學與肯嵐同學焉雍正三年改衛為縣分得生員一百七十餘人注籍縣學雍正九年知縣張國正奉檄建學於縣治東明察院舊址經營泮宮殿廡周以墻垣東西為坊門入門東朱衣樓西魁星閣樓閣前左右二坊上櫺星門門內中為泮池東齋宿廳西省牲所東上名宦祠西上鄉賢祠正中為戟門旁東西角門上大成殿殿下東西兩廡殿後東進德齋西修

業齋上東崇聖祠上西明倫堂堂之西為儒學訓導署有講堂有書齋有內室外有門斗班房

學宮藏書十三經註疏一部廿一史一部明史一部

御纂周易折中詩書春秋傳說各三部四書解義四書

講義各一部性理精義康熙字典學政全書各一

部前令自布政司衙門領歸貯之學宮使學博為

掌縣學初設每歲科入學六名乾隆二年廣額二

名歲科各入學八名廩膳二十名增廣二十名為

定例

泮池記

秦雄襄

五色學宮舊有泮池水淤無橋乾隆戊辰三月翼城
王君名昇來訓茲邑甫至來告余曰古者泮宮東面
南皆有水今無水非制也園橋觀化今無橋非制也
我將謀諸博士弟子員引城外清漣水入池上築石
橋莊其觀余曰善固不日鳩工諸生樂助以百數循
舊時廣狹浚深三丈許周圍甃以石引清漣水注之
建看橋下圓而上聳履橋觀水澄然清閒然靜其來
舒徐其去不絕橋是門內頓若改觀余曰耿耿王君

厥維歲哉余曰王君翼之優行士也來訓於茲當必
有文章行誼䟽濬汝曹之性靈如池之既淤而復通
也夫人之心固若水然澄之則清雜之則濁䟽之則
通壅之則塞汝等由是加功學成行立登是橋而俯
仰揖讓泮池之輝當更遠矣是則重浚泮池之意也
汝等勗哉諸生俯退王君曰不可無記磨石以待敢
請即以是言而鐫之於石是歲乾隆十三年也

學田記

郡四邑

偏神三縣學皆有田而五獨無有非所

以優泮宮也余甫蒞思積俸買地歸之學博租入修
牆屋增祭器三四年來邑事頻仍竟不可得每朔望
入學見宮牆侈剝心甚悚然春秋釋奠瓦缶薦陳不
虔之咎寔在於余夙夜惶恐減節蔬食日積月累得
錢十千買買附郭地廿畝為始循序漸增以期饒裕
歲時陞炭丹雘出其中廟堂之上琴瑟管磬羽毛干
戚俱出其中將使邊地荒陋之習一變文明之象未
必非此田以為之兆且夫風俗盛衰由乎學校興廢
興則藝叙倫明義路禮門人皆趨向肯此以為耻而